



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Specvlvm Ivventvtis, Sive Insigniores Pveritiæ Atqve
Adolescentiae Sanctorvm**

Bosendorf, Hermann

Monasterii VVestphalorvm, 1615

Nicolaus Tolentinas 10. Septemb.

urn:nbn:de:hbz:466:1-42900

contigerit ante te migrare ex hac vita, vt totum
regno Franciae preces & sacrificia pro me cu-
res offerri.

S E P T E M B E R.

P V E R I T I A S. N I C O L A I T O L E N T I

natis ordinis S. Augustini 10. Septemb.

Sur. Tom. 5.

SNicolaus Tolentinas, è sterili coniugio,
post multas parentum preces, & votum
B. Nicolao factum in territorio Firmanæ ciui-
tatis, quod castrum S. Angeli vocant, pro-
creatus, prædictionem S. Nicolai eiusdem pa-
rentibus de futura filij sanctitate factam, admi-
randæ virtutis & pietatis comprobauit exem-
plo. Hic inter primordia ætatis adhuc paruu-
lus mulierum & puerorum leuum non lasci-
uiam modo, sed & consortia sedulo deu-
tans, religiosæ iam tum vitæ specimen præbe-
bat: Pauperes in domo paupere cupidissimè
recipiebat: Rebus diuinis libentissimè inter-
erat. Verbum Dei haud aliter ac maturæ æta-
tis homo attentissimè auscultabat. Quæ cum
in puerulo sui castri homines non sine admira-
tione notassent, de futura eius sanctitate mi-
nime dubijs sententijs augurabatur. In Eccle-
sia adeo pium & deuotum in Deum erigebat
animum, vt etiam corporeis oculis Christum
in iuuentute vidisse credatur. Hinc cū tot cla-
rus virtutibus cunctis mirifice diligeretur, in
Ecclesia S. Salvatoris canonico beneficio ho-

nor

Yuga pra-
na societa-
tis.Miseri-
ditia.
Pietas.

noratur. Verum haud multo post, dignitates opesq; mundanas pertæsus, & diuitias illas potiores animo cupidoire prælibans, in cælestibus curam cogitationemq; defixerat. Accidit interim, vt quidam Prior Ordinis Eremitarum S. Augustini vir vitæ meritis & doctrina eximius in platea concionem ad populum de mundi vanitate & contemptu haberet, illud B. Ioannis inculcans: Nolite diligere mūdum, neq; ea quæ in mundo sunt, transit enim mundus & concupiscentia eius. Quæ sententia antim. iuuenis adeo penetrauit, vt mox à concione eundem adiret Priorem, & summis precibus in eandem vitæ societatem postularet admitti. Fuitq; ipsius desiderio, explorata tam prius parentum voluntate, satis benignè factum. Ipse vero in religiosæ vitæ stadium admissus, mox ardua quæq; sanctitatis moliri opera; carnem longa atterere inedia; precibus ac lachrymis insistere; cælestium commentatione rerum mentem ad æternitatis studia assiduo excitare; deniq; alia instanter agere, que ægrè admodum miles etiam veteranus assequitur. Cum enim prudenti cogitatione dispiceret votorū nefariā esse transgressionem, castitatem vero seruari haud posse nisi corpus castigetur & in seruitutem redigatur, seuerio- prudenter ris vitæ consilium cepit; & ieunijs precibus defensa. ac duris corporis castigationibus semper incumbens, omnem vitam suam inter mundi huius tentationes puram & castam exegit.

Cc 2 Inter-

Interrogatus autem, quinam posset carnis tentationibus & libidini resistere, nihil respondebat. Nouerat enim vir sanctus, hostem antiquum magna calliditate semper id agere, ut quem non possit voluptate vincere, vaneglorie laqueis implicatum elidat. Quo ille viriliter superato, vitaq; in summa sanctitate traducta, ipsomet Christo illum ad regni sui gaudia invitante latus exspirauit.

PVERITIAS. GVIDONIS CONFESSORIS,
Anderlaci propè Bruxellas quiescentis.

12. Septemb. Sur. Tom. 5.

Amat pauperem.

Denotio.

Misericordia in pauperes.

VI R venerabilis Guido in pago quodam Brabantiae, tugurio rusticano & paupere domo natus & educatus est: atq; in ipsis primis aetatis initijs penuria diuitias putabat, ut quantum illa patiebatur aetas, e pusillo Christi grege esse totis viribus contenderet. Suffurabatur iam tum parentum oculis certas horas, quibus ecclesiam oratus adiret, vel infirmis, quicquid ex facultatibus suis licet exiguis habere poterat impertiret. Nec eum hilarem vlla vidit dies, qua non prius aut in preces incubuisse, aut eleemosynam prestitisset. Stupebat genitor, & vicini pariter admirantes diuinum aliquid iam omnes in eo venerabantur. Peruenit tandem ad villulam Lakensem: ubi cum in Ecclesia virginis Matri sacra preces de more pergeisset, presbyter loci illius captus eximia eius pietate, & venusti vultus grauitate, eum ad se inui-